

**BOSNA I HERCEGOVINA
FEDERACIJA BOSNE I HERCEGOVINE
UNSKO-SANSKI KANTON
OPĆINA SANSKI MOST
Izborna komisija općine Sanski Most**

Broj: 05-04-1962-2/26

Datum: 01.07.2026. god.

Na osnovu člana 1.11., 2.13., i 2.19. Izbornog zakona BiH ("Službeni glasnik Bosne i Hercegovine" br. 23/01, 7/02, 9/02, 20/02, 25/02, 4/04, 20/04, 25/05, 52/05, 65/05, 77/05, 11/06, 24/06, 32/07, 33/08, 37/08, 32/10, 18/13, 7/14, 31/16, 41/20, 38/22, 51/22, 67/22 i 24/24), a u vezi s članom 35. i 36. stav 4. Pravilnika o postupku imenovanja i razrješenja predsjednika i članova biračkih odbora u BiH, br. 05-1-02-2-712-1/26 od 06.05.2026. godine, Izborna komisija općine Sanski Most na sjednici održanoj 01.07.2026. godine, objavljuje ponovljeni;

JAVNI OGLAS

za izbor kandidata za popunu rezervne liste kvalifikovanih osoba za imenovanje članova biračkih odbora/mobilnog tima i njihovih zamjenika

I. Objavljuje se Javni oglas za izbor kandidata za popunu rezervne liste kvalifikovanih osoba za imenovanje članova biračkih odbora/mobilnog tima i njihovih zamjenika.

II. Uvjeti za imenovanje:

Opći uvjeti:

1. Prijavljeni kandidat je osoba s pravom glasa.

2. Za člana biračkog odbora ne može biti imenovano lice (član 2.3. Izbornog zakona BiH):

1. koje se ne može kandidirati u smislu odredbi članova 1.6, 1.7 i 1.7a Izbornog zakona BiH;
2. koje je član najvišeg izvršno-političkog organa političke stranke ili koalicije (predsjednik, potpredsjednik, generalni sekretar ili član izvršnog odbora ili glavnog odbora);
3. koje je nosilac izabranog mandata ili je član izvršnog organa vlasti, osim u slučajevima predviđenim članom 2.12 stav (4) Izbornog zakona;
4. koje je aktuelni kandidat ili je bio kandidat za izbore za bilo koji nivo vlasti na Općim izborima i posljednjim lokalnim izborima; i
5. kojom je izrečena kazna za radnju koja predstavlja težu povredu izbornih zakona ili propisa za koju je lično odgovorno, u posljednje četiri godine, računajući od dana pravosnažnosti odluke.

Posebni uvjeti:

- da ima najmanje završenu srednju školu, odnosno III, IV ili V stepen stručne spreme;
- da ima prebivalište u općini za koju se imenuje birački odbor, u pravilu da je upisan u izvod iz Centralnog biračkog spiska za biračko mjesto za koje se imenuje.
- da mu nije izrečena sankcija od Centralne izborne komisije BiH.

Prijava kandidata:

Kandidati koji se mogu prijaviti na javni oglas i shodno obavezi iz člana 1.11. Izbornog Zakona BiH, pored navedenog iz općih i posebnih uvjeta su: učenici završnih razreda srednjih škola; studenti visokoškolskih ustanova; nezaposlene osobe koje se vode na evidenciji zavoda za zapošljavanje, kao i svi drugi građani koji ispunjavaju uvjete i žele raditi u biračkim odborima; zaposleni u javnoj administraciji (organ uprave, javne ustanove i preduzeća, i sl.), te su rukovodioci svih javnih ustanova obavezni da shodno članu 1.11. Izbornog Zakona BiH stave uposlenike i neophodne resurse na raspolaganje organu za provođenje izbora.

III. Potrebna dokumentacija:

- **Prijava na javni oglas (obavezno popunjen i potpisan obrazac SG-3),**
- CIPS prijava i kopija lične karte,
- Dokaz o stručnoj spremi (kopija diplome ili potvrda o završenom stepenu stručne spreme), koji se može dostaviti i naknadno ukoliko to kandidat trenutno nije u mogućnosti iz objektivnih razloga.

IV. Rok za podnošenje prijave

Rok za podnošenje prijave je od 01.07.2026. godine do 01.10.2026. godine, bit će objavljen na oglasnoj ploči Organa uprave općine Sanski Most, web stranici općine Sanski Most, JP RTV "Sana" Sanski Most, drugi mediji, odnosno na drugi prigodan način.

V. Organ za provođenje postupka

Proceduru izbora kandidata po javnom oglasu provodi Izborna komisija općine Sanski Most, te će u koordinaciji sa CBS-om Općine Sanski Most izvršiti provjeru svakog kandidata u Bazi CIK-a.

VI. Ostale informacije

Obrazac prijave kandidati mogu preuzeti u CBS-u Općine (kancelarija 5.), portirmici organa uprave, sjedištu i/ili kod članova izborne komisije, web stranici Općine, na zahtjev putem e-maila u elektronskoj verziji (email: oik@sanskimost.gov.ba).

Prijavu na javni oglas kandidati dostavljaju u zatvorenoj koverti u Šalter sali organa uprave općine Sanski Most (tokom perioda rada šalter sale), putem pošte preporučeno (dan predaje u pošti smatra se danom predaje komisiji), sa naznakom;

***Izborna komisija općine Sanski Most,
Trg Ljiljana 3, 79 260, Sanski Most***

„Prijava na javni oglas za popunu rezervne liste kvalifikovanih osoba za imenovanje članova biračkih odbora/mobilnog tima i njihovih zamjenika - ne otvarati“.

Kandidati mogu predati popunjenu prijavu (SG3 obrazac, i dr.) bez koverta, ako ih to izlaže dodatnom trošku, te će istu predati u Šalter sali Organa uprave ili uposlenicima CBS-a (kancelarija 5.) odnosno nadležnom organu, koji su sa prijavama dužni postupati shodno Zakonu o zaštiti ličnih podataka u BiH.

Kandidati će, ako izborna komisija zatraži, dostaviti original ili ovjerenu kopiju dokaza o kvalifikaciji i ispunjavanju uvjeta iz Javnog oglasa ili dodatnu dokumentaciju shodno važećim propisima.

Komisija zadržava pravo angažiranja prijavljenih kandidata sa VSS ili sa VŠS/SSS u izbornu administraciju shodno završenom studiju i obrazovanju odnosno stručnim kvalifikacijama, te potrebama Komisije.

Nepotpune i neblagovremene prijave izborna komisija neće uzeti u razmatranje, osim ako su nedostaci takvog karaktera da se prijava ne može odbaciti, te će komisija shodno tome tražiti dopunu prijave.

Dostavljeno:

1. Oglasna ploča/web stranica općine Sanski Most/JP RTV "Sana" S. Most, drugi mediji,
2. a/a.

